

Pressiteedüs 7. mail 2026

Valla läts viies vahtsidõ võrokiilside laulõ võistlus Uma Laul

Joba viiendät kõrda tulõ vahtsidõ võrokiilside laulõ võistlus Uma Laul. Võistlusõlõ oodõtas vahtsit umakiilseit ja umaluuduisi laulõ. Laulu võiva olla nii vahtsõaolidsõ ku ka perimõsligu: tundõlidsõst viiest flamenkoni, regivärsist hiphopini. Muidoki või laulõn olla kokko kõüdedü vana ja vahtsõnõ (nt regilaul, miä kõnõlõs parhilladsõst aost). Üts autor või võistlusõlõ saata kooni viis laulu.

Võistlustüü tulõ saata kõrraldajalõ märgosõnno all „Uma Laul”, **tähtaig om 23. septembri 2026**. Võistlusõ avvuhinnafond om 1000 eurot.

Validu laulu kantas ette võistluskonsõrdil, miä tulõ 5. novvembril 2026 Rõugõn. Lugusit hindas hindamiskogo, a uma arvamõsõ saa kimmäle üteldä ka publik. „Võro keele näväl om hää aig, et inämb umma kiilt pruuki ja umakiilside laulõlõ hääd huugu mano anda,” ütles võistlusõ iistvõtja Tigase Merike.

Vahtsidõ võrokiilside laulõ võistlusõga tahtva kõrraldaja kittä võro kiilt ja näüdädä seo pruukmisõ võimaluisi parhilladsõl aol. Pääle selle luutva kõrraldaja saia vahtsit laulõ, et VII Uma Pido laulubarra tävvendä.

Varatsõmbilt Uma Laulu võistluisilt om Uma Pido repertuaari jõudnu hää hulk laulõ. Mõnõ näüte: Aapo Ilvese võidulaulu „Pristan” laulti III Umal Pidot, laulu „Lodi tuu ja lodi vii” II, III ja V Umal Pidot, „Kosmost” laulti IV ja V Umal Pidot, „Kodasse pessä” IV Umal Pidot ja „Jäämi alalõ“ VI Umal Pidot. Jan Rahmani laulõ „Määne om seo maa” ja „Mis om suurõ järve takan?” laulti II, IV ja V Umal Pidot. Urmas Kalla laulu „Mõtõ’ Võromaast” laulti IV Umal Pidot ja laulu „Uma saatusõ poolõ“ oli kavan VI Umal Pidot. IV Uma Laulu võidulaul „Mõtõlus“, mille luuja oll Margit Õkva, kanti ette VI Umal Pidot. Publiku preemiä saanu Sirli Hellamaa laulu „No kos tuu iPhone jäi!” kõlasi VI Umal Pidot. VI Umalõ Pidotõ jõudsõ ka Mari Kalkuni luudu muusiga laulõlõ „Rikas lats“ (sõna: Triinu Laan), „Ma nakka puus“ (sõna: Triinu Laan), „Päävä vägi“ (sõna: Triinu Laan), „Laul sulama pand jää“ (sõna: Jan Rahman) ja „Mino maa“ (sõna: Mari Kalkun, Jan Rahman).

Võistlust kõrraldas Võro Selts VKKF ning tugõja omma Eesti Kultuurkapitali rahvakultuuri tsihtkapital, Võro- ja Põlvamaa ekspertgrupp ja Võro Instituut.

Võistlusõ statuut ja täpsemb teedüs: umapido.ee, Merike Tigas, merike.tigas@wi.ee, tel 5691 6280.